

Na osnovu člana 10. Stav (8) i (14) Odluke o izvršavanju budžeta Općine Hadžići („Službene novine Kantona Sarajevo“ broj 1/24) i člana 38. Statuta Općine Hadžići („Službene novine Kantona Sarajevo“ broj: 15/09, 17/12, 10/13 i 14/13-ispravka, 11/18 i 1/20) Općinski načelnik, donosi:

**Pravilnik o kriterijima i načinu odobravanja sredstava na budžetskoj poziciji
„Međunarodna i međuopćinska saradnja“ Budžeta Općine Hadžići**

Član 1.

Ovim Pravilnikom utvrđuju se kriteriji i način odobravanja sredstava koja se u skladu sa raspoloživim finansijskim sredstvima Općine Hadžići (u daljem tekstu Općina) planiraju na budžetskoj poziciji „Međunarodna i međuopćinska saradnja“.

Član 2.

Pravo na dodjelu sredstava po zahtjevu sa pozicije „Međunarodna i međuopćinska saradnja“ imaju udruženja i javne ustanove (u daljem tekstu subjekti) koji su registrovani na području Bosne i Hercegovine i svoje projekte i aktivnosti realiziraju na području Bosne i Hercegovine.

Član 3.

Sredstva se mogu dodijeliti u svrhu finansiranja infrastrukturnih projekata, troškova organizacije manifestacija, nabavke materijala i sredstava, troškova za humanitarne aktivnosti te ostalih sličnih aktivnosti, programa i projekata.

Član 4.

Sredstva se dodjeljuju po zahtjevu a u skladu sa raspoloživim sredstvima na poziciji „Međunarodna i međuopćinska saradnja“ u Budžetu Općine.

Član 5.

Zahtjev za dodjelu sredstava se može podnijeti tokom cijele godine, a uz isti se prilaže sljedeća dokumentacija:

- Aktuelni izvod iz registra subjekta koji podnosi zahtjev,
- Uvjerenje o poreznoj registraciji koji sadrži ID broj
- Projektni prijedlog, ovjer i potpisan od strane ovlaštenog lica

Član 6.

Zahtjev za dodjelu sredstava podnosi se pisanim putem Službi kabineta Općinskog načelnika. Služba provjerava da li zahtjev ispunjava uslove ovog Pravilnika, a konačnu odluku o dodjeli i iznosu dodjeljenih sredstava donosi i zaključkom potvrđuje Općinski načelnik.

Zahtjevi koji su podnešeni u toku 2024. godine i dalje, rješavat će se na osnovu odredbi ovog Pravilnika.

Član 7.

Subjekti su dužni dostaviti narativni i finansijski izvještaj o namjenskom utrošku sredstva dodijeljenih iz Budžeta Općine u roku od 30 dana od dana realizacije projekta. Izvještaj se podnosi Službi kabineta Općinskog načelnika. Subjekti koji ne opravdaju sredstva nemaju pravo ponovne aplikacije.

Općina zadržava pravo da traži i izvrši povrat dodjeljenih sredstava ukoliko ista nisu namjenski utrošena ili adekvatno opravdana.

Član 8.

Ovaj Pravilnik stupa na snagu danom donošenja kada počinje i njegova primjena, a objavit će se na oglasnoj ploči i oficijelnoj web stranici Općine.

Broj: 02-11-3-1830/24

Hadžići, 16.02.2024.


OPĆINSKI NAČELNIK
Po ovlaštenju 03/3-34-4-8546/20
Pomoćnik načelnika
Eldar Proha, dipl.ecc